



Broj: T18 0 KT 0018092 24
Brčko: 29.08.2025. godine

Optužnica potvrđena dana 10.09.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

I.P., rođena 1960. godine u Mrtvici, Opština Lopare,

Što je:

Dana 25.10.2024. godine, oko 15,15 sati u mjestu Gornji Brezik u Brčkom, upravljajući motornim vozilom marke „Mercedes“ registarskih oznaka ..., olako držeći da do saobraćajne nesreće neće doći, krećući se desnom stranom kolovoza brzinom od oko 52,2 km/h lokalnim putem u pravcu Stanova, na dijelu puta na kojem su se izvodili radovi na putu i koji su radovi bili obilježeni saobraćajnim znakom „radovi na putu“, „ograničenje brzine na 20 km/h“ i „zaštitnom trakom naizmjenično obojenom crveno-bijelom bojom“ postupila suprotno odredbama članova 39 stav 2, 43 i 130 stav 4, Zakona o osnovama bezbjednosti saobraćaja na putevima u BiH („Službeni glasnik BiH“, broj 6/06, 75/06, 44/07, 84/09, 48/10, 18/13 i 8/17, 9/18), tako što je propustila da se pridržava ograničenja, zabrana i obaveza izraženih saobraćajnom signalizacijom i da brzinu vozila prilagodi saobraćajnim znacima tako da vozilo može blagovremeno zaustaviti pred svakom preprekom, te da vozilo u kretanju drži što bliže desnoj ivici kolovoza i na tolikoj udaljenosti od nje da s obzirom na uslove saobraćaja i stanje puta ne ugrozi druge učesnike u saobraćaju, pa usljed takve vožnje nije uočila da se na kolovozu nalazi pješak J. K., koji je u tom trenutku izvodio radove na putu, i desnom nogom se nalazio na kolovozu a lijevom nogom van kolovoza, usljed čega je došlo do kontakta prednjeg krajnjeg desnog dijela vozila i desne bočne strane donjeg dijela tijela pješaka slijedom čega je J.K. odbačen bočno u desno i kojom prilikom je zadobio tešku tjelesnu povredu u vidu otvorenog preloma/rane-deklomana prednje strane natkoljenice promjera oko 12x15 cm, desne bedrene kosti sa pomjeranjem ulomaka, prelom donjeg dijela kostiju desne potkoljenice, prelom donjeg dijela tijela goljenične kosti i donjeg okrajka lisnjače u nivou skočnog zgloba, nakon čega je I.P., iako svjesna da je vozilom kojim upravlja ostvarila kontakt sa tijelom pješaka i da ga je povrijedila, nastavila svoje kretanje ne zaustavljajući vozilo, tako da je povrijeđenog ostavila bez pomoći i odvezla se u pravcu Stanova

dakle, kao učesnik u saobraćaju na putevima, nije se pridržavala saobraćajnih propisa, pa je time iz nehata ugrozila javni saobraćaj da je dovela u opasnost život ljudi, zbog čega je kod drugog nastupila teška tjelesna povreda, istovremeno ne ukazujući pomoć osobi koja je povrijeđena prevoznim sredstvom kojim je upravljala i čiju je povredu prouzrokovala,

čime je počinila krivično djelo – Ugrožavanje javnog saobraćaja – iz člana 326 stav (3) u vezi sa stavom (1) Krivičnog zakona Brčko distrikta BiH u sticaju s krivičnim dijelom -

Neukazivanje pomoći licu povrijeđenom u saobraćajnoj nezgodi- iz člana 331 stav (2) u vezi sa stavom (1) Krivičnog zakona Brčko distrikta BiH, a sve u vezi s članom 54 istog zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
